


Мавзуб. Сув ресурслари ва сув объектларини муҳофаза қилиш, сувларнинг зарарли таъсирларини олдини олиш



## МАВЗУ БУЙИЧА ЎРГАНИЛАДИГАН МАСАЛАЛАР

1. Сув ва сув объектларини муҳофаза қилиш.
- 2. Ер ости сувларидан фойдаланиш ва уларни муҳофаза қилиш.
- 3. Сув объектларида, сув объектларининг сувни муҳофаза қилиш зоналари, соҳил бўйи минтақаларида ва санитария - муҳофаза зоналарида ишларни амалга ошириш.
- 4. Сув ва сув объектларининг ҳолатига таъсир этувчи корхоналар, иншоотлар ҳамда бошқа объектларни жойлаштириш, лойиҳалаш, қуриш, реконструкция қилиш, таъмирлаш, тиклаш ва ишга тушириш.
- 5. Сувнинг зарарли таъсирининг олдини олиш ва оқибатларини бартараф этиш.

# Фойдаланиш учун адабиётлар

- Suv huquqi. Darslik.(prof Usmonov M. Tahriri ostida) T., 2004-219bet.
- Сваков Д.О. Водное право. Учебно-практическое пособие, М., 2007год.
- Ismoilxo'jaev B., Nazarov X. Ekologiya va suv huquqi,T., TIQXMMI-MTU nashryoti, 2021 y.
- Nazarov X. Ekologiya va suv huquqi: ma'muriy huquqbuzarlik va javobgarlik, TIQXMMI-MTU nashryoti, 2022 y.
- Nazarov X. Ekologiya va suv huquqi: ekologik nazorat. TIQXMMI-MTU nashryoti, 2022 y.
- R.Quentin Grafton, Karen Hussey "Water resources planning and management", London 2011, Cambridge University Press p.423
- O'zbekiston Respublikasi Suv xo'jaligini rivojlantirishning 2020-2030 yillarga mo'ljallangan konsepsiyasi. 2020 yil.
- O'zbekiston Respublikasining "Suv va suvdan foydalanish to'g'risida"gi qonuni,1993 yil.
- O'zbekistonning Ichimlik suvi ta'minoti va oqava suvlarni chiqarib yuborish to'g'risida"gi qonun,O'RQ-784, 22iyul, 2022 y.
- O'zbekiston Respublikasi Suv kodeksi ,2023 yil.

## **СУВ ВА СУВ ОБЪЕКТЛАРИНИ МУҲОФАЗА ҚИЛИШ**

**Сув ва сув объектларини муҳофаза қилишнинг асосий мақсадлари:**

- аҳоли соғлиғи, экологик мувозанатни сақлаш учун қулай санитария-эпидемиологик шароитлар яратиш, республикани самарали ва барқарор ижтимоий-иқтисодий ривожлантириш манфаатлари йўлида сувдан оқилона фойдаланишни таъминлаш;
- сув билан боғлиқ жонли табиатнинг турлари ва генетик фонди бойлигини сақлаб қолиш;
- сув экотизимлари, ландшафтлар ва ноёб сув объектларининг хилма-хиллигини сақлаб қолиш;
- экологик хавфсизликни таъминлаш;
- сув объектлари билан боғлиқ маданий меросни асраш

# Сув ва сув объектларини муҳофаза қилиш мақсадларига эришиш учун

- маҳаллий давлат ҳокимияти органлари, вазирликлар ва идоралар, корхоналар, муассасалар, ташкилотлар, фермер ва кооператив хўжаликлар, шунингдек, фуқаролар хўжалик, бошқарув ҳамда бошқа фаолиятни амалга ошириш жараёнида қуйидаги принципларга амал қилишлари керак:
- экологик хавфсизлик, инсон ва унинг келгуси авлодлари генетик фонди ҳақида ғамхўрлик қилиш;
- сувдан фойдаланишда режалаштирилаётган хўжалик ва бошқа фаолиятнинг хавф презумпцияси ҳамда экологик экспертиза ўтказишнинг мажбурийлиги;
- сув ва сув объектларига сув муҳити ҳамда инсон соғлиғи учун ўнглаб бўлмас оқибатларга олиб келадиган зарарли таъсирларга йўл қўймаслик ва сув ресурсларини тиклаш зарурлиги;
- хўжалик ва бошқа фаолиятни амалга ошириш тўғрисида қарорлар қабул қилишда атроф муҳитга таъсирни баҳолаш мажбурийлиги;
- манфаатдор шахсларнинг сув ва сув объектлари ҳолати ҳақида ахборот олиш ҳуқуқларига риоя этиш;
- сув ва сув объектлари муҳофаза қилинишини иқтисодий рағбатлантириш – сув объектларидан фойдаланганлик учун тўловни белгилашда сувдан фойдаланувчиларнинг сув объектларини муҳофаза қилиш бўйича харажатлари ҳисобга олинади;
- сув ва сув объектларини муҳофаза қилиш ҳамда барқарор ривожланиш мақсадларига эришиш учун бошқа принциплар;
- муҳим сув экотизимларининг сувга бўлган эҳтиёжини қондириш.

# Сув ва сув объектларини муҳофаза қилиш вазифалари

- Барча сувлар (сув объектлари) аҳоли соғлиғига зарар етказиши, сувнинг физик, кимёвий ва биологик хоссалари ўзгариши, сувнинг табиий тозаланиш хусусияти камайиши, сувнинг гидрологик ва гидрогеологик режимининг бузилиши натижасида балиқ захираларининг камайиши, сув таъминоти шароитининг ёмонлашиши ҳамда бошқа кўнгилсиз ҳодисаларга олиб келиши мумкин бўлган булғатиш, ифлослантириш ва камайишдан муҳофаза қилиниши керак.
- **Сув ва сув объектларини муҳофаза қилиш ҳамда сув режими ва ҳолатини яхшилашни таъминлаш тадбирлари.**
- Фаолияти сувларнинг ва сув объектларининг ҳолатига таъсир этувчи корхоналар, ташкилотлар ва муассасалар экология ва атроф-муҳитни муҳофаза қилиш, сув хўжалиги, санитария назорати органлари ҳамда бошқа манфаатдор идоралар билан келишган ҳолда технология, ўрмон-мелиорация ва агротехника, гидротехника, санитария-техника тадбирларини ўтказишлари шарт

# Сув ва сув объектларини булғатиш ва ифлослантиришдан муҳофаза қилиш.

- Юридик ва жисмоний шахсларга қуйидаги тақиқланади:
- сув объектларига ишлаб чиқариш, маиший ва бошқа чиқитлар ҳамда чиқиндиларни ташлаш;
- мойларнинг, ёғочларнинг, кимёвий ва нефть маҳсулотларининг ҳамда бошқа маҳсулотларнинг тўкилиб-сочилиши натижасида сувни ва сув объектларини булғатиш ва ифлослантириш;
- сув тўпланадиган жойларнинг юзи, муз қопламалари, сув ҳавзалари ва музликлар юзасини саноат чиқитлари, маиший чиқинди ва бошқа ташландиқ чиқитлар, шунингдек, ер усти ва ер ости сувларининг сифатини ёмонлаштирадиган нефть ва кимёвий маҳсулотлар билан булғатиш ва ифлослантириш;
- сувларни ўғитлар, заҳарли кимёвий моддалар ва бошқа зарарли моддалар билан ифлослантириш;
- сув объектларининг сувни муҳофаза қилиш ва санитария-муҳофаза зоналари режимини бузиш.
- Оқова ва коллектор-дренаж сувларини сув объектларига оқизишга ушбу Кодекснинг 124 ва 125-моддаларида назарда тутилган талабларга риоя қилинган тақдирдагина йўл қўйилади.

- **Сув ва сув объектларини камайишдан муҳофаза қилиш.**
- Қонунда ер усти сувларининг камайиши деганда, сув объектининг мўйаян ҳудуди ёки ҳавзаси доирасида уларнинг йўл қўйиладиган минимал миқдори, захираларига қараганда барқарор камайиши ва/ёки сифати ёмонлашиши тушунилади.
- Ер ости сувларининг камайиши деганда, ер ости сувлари конлари ёки сувли горизонтнинг мўйаян ҳудуди ёхуд ҳавзаси доирасида уларнинг ўзгарувчан (табiiй) захираларининг барқарор камайиши ва/ёки сифати ёмонлашиши тушунилади.
- Ер ости сувларининг жуда кўп олинishi, сувли қатламга сув етарлича оқиб келмаслиги ёки унинг тўлмаслиги, ўзи қўйиладиган артезиан қудуқлар назорат қилинмаслиги ва бошқа сабаблар оқибатида фойдаланиладиган сувли горизонтнинг ўзгарувчан даражасининг вақт ўтган сайин барқарор ҳамда жадал камайиши, шунингдек, сувли горизонтларнинг ифлосланиши ер ости сувлари камайишининг белгиси ҳисобланади.
- Юридик ва жисмоний шахслар қонунчиликка мувофиқ сув ва сув объектларини муҳофаза қилиш ҳамда сувлар камайишининг олдини олиш тадбирларини амалга ошириши шарт.
- Сувлар камайишининг олдини олиш мақсадида қуйидагилар ман этилади:
- сувни лимитдан ортиқ қайтармасдан олиш;
- сувни муҳофаза қилиш зоналари ва минтақаларида сувнинг камайишига сабаб бўладиган ерларни шудгорлаш, чорва молларини чўмилтириш, қурилиш қилиш ва бошқа хўжалик фаолиятини юритиш;
- сувлар камайишига сабаб бўладиган бошқа фаолият.



# Алоҳида давлат аҳамиятига эга бўлган сув объектларини муҳофаза қилиш.

- Алоҳида давлат аҳамиятига эга бўлган сув объектларини муҳофаза қилишнинг ҳуқуқий режими ушбу Кодекс, табиатни муҳофаза қилиш тўғрисидаги ва бошқа қонунчилик билан белгиланади ҳамда қуйидагиларни ўз ичига олади:
- сув объектидаги сувнинг барқарор сатҳини қонунчилик ҳужжатларида белгиланган аниқ белгидан кам бўлмаган даражада сақлаш;
- сув объектининг зоналари бўйича экологик нормативлар, сув сифати нормативлари, сув ва унинг экотизимига тушадиган антропоген оғирлик нормативларини зоналаштириш ҳамда белгилаш;
- сув тўпланадиган жойларни сув ва шамол таъсиридан, чўлланиш, ботқоқлашиш, иккиламчи шўрланиш, ишлаб чиқариш, истеъмол чиқиндилари ҳамда бошқа ифлослантирувчи чиқитлар билан ифлосланишдан муҳофаза қилиш;
- сув объектларининг антропоген аралашуви ёки табиий офатлар натижасида зарар етказилган ҳудудлари ва ер фонди ерларини рекультивация қилиш;
- сувдан хўжалик юритишда фойдаланишдан олдин уни сув объектлари ўзанлари бўйлаб экология ҳамда санитария мақсадларида чиқариш устуворлигини таъминлаш, ҳайвонот ва ўсимлик дунёсини сақлаш ҳамда кўпайтириш;

## **Алоҳида давлат аҳамиятига эга сув объектларида ва уларга туташ ҳудудларда қуйидагилар белгиланган тартибда тақиқланади:**

- сув объекти ҳавзасининг табиий экотизимлари издан чиқишига ва аҳоли ҳаёти ҳамда соғлиғи учун хавfli бўлган атроф муҳит ўзгаришига сабаб бўладиган фаолиятни амалга ошириш;
- зарарсизлантириш ёки утилизация қилиш имкони бўлмаган радиоактив чиқиндилар ва маҳсулотларни сув объектлари зонасига олиб кириш, сақлаш ёхуд кўмиш;
- қамиш ва бошқа ўсимликларни ўриш, ёқиш, дарахтларни томири билан суғуриб олиш, балиқлар увулдириқ ташлайдиган жой сифатида аҳамиятга эга бўлган дарёлар ўзанларига ишлов бериш;
- мажбурий давлат экология ва санитария экспертизасини ўтказмасдан, хўжалик фаолиятини юритиш ҳамда ишларни амалга ошириш ва хизматлар кўрсатиш;
- алоҳида давлат аҳамиятига эга сув объектларига салбий таъсир кўрсатадиган бошқа фаолиятни амалга ошириш.
- Сув ресурсларидан комплекс фойдаланиш ва уларни муҳофаза қилишнинг Бош ҳамда Ҳавза (ҳудудий) схемаларини тузишда алоҳида давлат аҳамиятига эга сув объектларида хўжалик фаолиятини тартибга солиш режимининг ўзига хос хусусиятлари инобатга олинади

## Кичик сув объектлари ва уларни муҳофаза қилиш

- Кичик сув объектларидан сувдан умумий ёки махсус фойдаланиш тартибида фойдаланилади.
- Кичик сув объектларини муҳофаза қилиш зоналари ҳамда минтақаларида сувдан умумий фойдаланиш ва хўжалик фаолияти, шунингдек, уларнинг ифлосланиши, булғаниши ва камайишининг олдини олиш ҳамда бартараф этиш чора-тадбирларини амалга ошириш тартиби маҳаллий давлат ҳокимияти органлари томонидан экология ва атроф муҳитни муҳофаза қилиш, сув хўжалиги органлари, давлат санитария назорати органлари билан келишилган ҳолда белгиланади.
- Сел келиш хавфи бўлган ҳудудларда сувдан умумий фойдаланиш ва хўжалик фаолияти, шунингдек, ушбу модда иккинчи қисмида назарда тутилган бошқа чора-тадбирлар фавқулодда вазиятлардан ҳимоя қилиш бўйича махсус ваколатли давлат бошқаруви органлари билан ҳам келишилади.
- Хўжалик фаолияти кичик сув объектларнинг (сув ҳавзалари ва сув оқимлари) ҳолати ва режимига салбий таъсир кўрсатадиган корхоналар, муассасалар, ташкилотлар, фермер ва деҳқон хўжаликлари, бошқа юридик ҳамда жисмоний шахслар сув хўжалиги, экология ва атроф муҳитни муҳофаза қилиш органлари билан биргаликда сувнинг кўплиги ёки созлигини, тозалиги ва сифатини сақлаш тадбирларини амалга ошириши лозим.

- **Кичик дарёлар сувлигини таъминлаш мақсадида қўйидагилар тақиқланади:**
- кичик дарё ҳавзасининг рельефини ўзгартириш, қуриб бораётган дарёлар ва уларнинг оқимлари ўзанларини бузиш ва ўзгартириш;
- кичик дарёлар ўзанларини тўғирлаш ёки торайтириш, уларнинг тубини табиий сатҳидан паст қилиб чуқурлаштириш ёхуд сув ўтказиш қурилмалари билан жиҳозламасдан тўсиб қўйиш;
- кичик дарё ҳавзасининг табиий ўсимликлар ва дарахтлар билан қопланишини камайтириш, қайир ерларни шудгорлаш ва бундай ерларда кимёвий воситаларни қўллаш;
- кичик дарёлар юқори қисмидаги ботқоқлашган участкалар ва табиий ерларда қуритиш-мелиорация ишларини амалга ошириш;
- кичик дарёлар сувлиги ва улардаги сув сифатига салбий таъсир кўрсатиши мумкин бўлган ёки кўрсатадиган бошқа фаолиятни амалга ошириш.
- Кичик дарёларнинг сувини муҳофаза қилиш зоналари, соҳил бўйидаги минтақалари ва уларни санитария- муҳофаза зоналари, корхоналар, ташкилотлар ва муассасалар, шунингдек, фуқароларнинг ушбу зоналар ҳамда ҳудудлардаги хўжалик фаолияти режими ушбу Кодекс ва бошқа қонунчилик ҳужжатлари билан белгиланади.

# Сув объектларидаги фавқулодда экологик вазият ёки экологик офат зоналари

- Хўжалик фаолияти ёки табиий жараёнлар натижада инсонлар соғлиғи, ҳайвонот ва ўсимлик дунёсига ҳамда атроф-муҳитнинг ҳолатига, юридик ва жисмоний шахсларнинг мулкига хавф соладиган ўзгаришлар содир бўладиган сув объектлари, уларнинг бир қисми ҳамда сув тўпланадиган жойлар фавқулодда экологик вазият ёхуд экологик офат зоналари деб эълон қилиниши мумкин.
- Муайян ҳудуднинг табиат мувозанати, табиий экология тизимлари бузилиши билан боғлиқ ҳолда табиий муҳитда барқарор ёки тuzатиб бўлмас ўзгаришлар рўй берган ёки рўй бераётган қисми экологик офат зоналари деб эълон қилинади.
- Фавқулодда экологик вазият ёки экологик офат зоналари экологик аҳвол ёмонлигининг юқори даражасини акс эттирувчи битта ёхуд бир қанча асосий ҳамда қўшимча кўрсаткичлар бўйича белгиланади.
- Фавқулодда экологик вазият ёки экологик офат зоналари деб эълон қилиш тўғрисидаги қарор қонунчилик ҳужжатларида белгиланадиган тартибда қабул қилинади.
- Фавқулодда экология вазияти ва экология офати минтақаларида шу вазиятни келтириб чиқарган ишлар тўxtатиб қўйилади, атроф табиий муҳитга зарарли таъсир этувчи фаолият (аҳолига хизмат кўрсатиш билан боғлиқ фаолият бундан мустасно) тақиқланади, табиий муҳитни тиклаш ва соғломлаштириш чора-тадбирлари кўрилади..

# Сувни муҳофаза қилиш зоналари ерларидан фойдаланишнинг ўзига хос хусусиятлари

- Сув омборлари ва бошқа сув ҳавзалари атрофида, шунингдек, дарёлар, магистрал каналлар ва коллекторлар бўйлаб сувни муҳофаза қилиш зоналари ва соҳил бўйи минтақалари, хўжалик-ичимлик сув таъминоти манбалари атрофида санитария-муҳофаза зоналари ва санитария ҳимоя минтақалари, минерал сувлар ва бошқа даволаш воситалари атрофида эса санитария-муҳофаза округлари белгиланади.
- Сувни муҳофаза қилиш зоналарини белгилаш сув омборлари ёки аҳолининг ичимлик ва хўжалик-маиший сув таъминоти, даволаш ва маданий-соғломлаштириш эҳтиёжлари учун фойдаланиладиган бошқа сув манбалари ҳам белгиланиши зарурлигини истисно қилмайди.
- Сувни муҳофаза қилиш зонасига киритилган ерлар уларга эгаллик ҳуқуқига эга бўлганларнинг ер участкаларидан олиб қўйилмайди, балки улар томонидан ушбу Кодекс талабларига риоя этилган ҳолда фойдаланилади.
- Белгиланган режимга риоя этилишининг давлат назорати маҳаллий бошқарув органлари, давлат табиатни муҳофаза қилиш ва санитария назорати органлари томонидан назорат қилинади.
- Маҳаллий бошқарув органлари, табиатни муҳофаза қилиш ва санитария назорати давлат органлари белгиланган режимга риоя этилиши бўйича давлат назоратини амалга оширади.

# Санитария ва экологик мақсадларида сув чиқариш :

- Санитария ва экологик мақсадларида сув чиқариш сув сифати нормативларига риоя этилишини, сувдан қулай фойдаланиш шароитларини, шунингдек, сувдан рақобатли фойдаланиш ва сув оқимини бошқаришда сувли-ботқоқ ерлар, кўллар ва соҳил бўйи зоналари экотизимларини сақлашни таъминлайди.
- Санитария ва экологик мақсадларида сув чиқариш йилнинг сувлилигига қараб, сув хўжалиги баланслари ҳамда сувдан фойдаланиш режалари доирасида белгиланади.
- Атроф-муҳитни муҳофаза қилиш ва экология органлари санитария ва экологик мақсадларда сув чиқаришнинг кўрсаткичлари ва режимини белгилаш методологиясини ишлаб чиқади

## **ЕР ОСТИ СУВЛАРИДАН ФОЙДАЛАНИШ ВА УЛАРНИ МУҲОФАЗА ҚИЛИШ**

- **Ер ости сувларидан фойдаланиш.**
- Ер ости сувларидан мақсадли фойдаланиш зарур. Гуруҳли сув олиш иншоотларидан (бир иншоотда икки ва ундан ортиқ бир вақтда ишлатиладиган бурғи қудуқлари бўлганда), шунингдек, минерал ва термал сувлардан фойдаланишга ер ости сувларининг тасдиқланган захиралари мавжуд бўлгандагина рухсат берилади. Ер ости сувлари захиралари Ер ости сувлари бўйича ваколатли орган ҳузуридаги Фойдали қазилмалар захиралари бўйича давлат комиссияси томонидан қонунчилик ҳужжатларида белгиланган тартибда тасдиқланади.
- Ер ости сувларидан турли эҳтиёжлар учун фойдаланиш Ўзбекистон Республикаси Давлат геология ва минерал ресурслар қўмитаси органлари томонидан уларнинг ер усти сувлари билан ўзаро боғлиқлиги ҳисобга олинган ҳолда тартибга солинади.
- Ер ости сувларидан фойдаланиш сувдан махсус фойдаланиш тартиби ва шартларига риоя қилган ҳолда амалга оширилади



## • Ер ости сувларини муҳофаза қилиш

- Ер ости сувлари чиқариш ва ундан фойдаланиш билан шуғулланувчи сувдан фойдаланувчилар сув чиқарилаётган участка ва унга туташ ҳудудларда ер ости сувларига доир режимларга риоя этилишини кузатиб боришлари, шунингдек, фойдаланилаётган сувнинг миқдори ва сифатининг ҳисобини юритишлари шарт.
- Агар фойдали қазилмалар конларини қидириш, уларни ўрганиш ва улардан фойдаланиш билан боғлиқ бурғилаш ҳамда бошқа кон-қидирув ишлари бажариш чоғида ер ости сувлари бор қатламлар аниқлангани тақдирда, бу ҳақда геология ва минерал ресурслар органларига маълум қилиниши ҳамда белгиланган тартибда ер ости сувларини муҳофаза қилишга қаратилган чора-тадбирлар кўрилиши лозим.
- Саноат ва бошқа оқова сувларини оқизиш учун қазиладиган қудуқлар сувли қатламларни ифлослантириш манбаига айланиши мумкин бўлса, бундай қудуқлар қазиш барча ҳолларда ман этилади.
- Ер ости сувларига қудуқларни бурғилаш Ўзбекистон Республикаси Вазирлар Маҳкамаси томонидан белгиланган тартибда Ўзбекистон Республикаси Давлат геология ва минерал ресурслар қўмитаси томонидан берилган рухсатнома асосида амалга оширилади.
- Ўзи қуйиладиган ва фойдаланиш учун яроқсиз бўлган қудуқларга сувни бошқариш ускуналари ўрнатилиши, консервация қилиниши ёки улардан фойдаланиш тўхтатилиши, яроқсиз бошқа қудуқлардан эса қонунчилик ҳужжатларида белгиланган тартибда фойдаланиш тўхтатилиши лозим

- **СУВ ОБЪЕКТЛАРИДА, СУВ ОБЪЕКТЛАРИНИНГ СУВНИ МУҲОФАЗА ҚИЛИШ ЗОНАЛАРИ, СОҲИЛ БЎЙИДАГИ МИНТАҚАЛАРИ ВА САНИТАРИЯ-МУҲОФАЗА ЗОНАЛАРИДА ИШЛАРНИ АМАЛГА ОШИРИШ**

**Сув объектларида, сув объектларининг сувни муҳофаза қилиш зоналари, соҳил бўйи минтақаларида ва санитария-муҳофаза зоналарида ишларни бажариш тартиби :**

- Сув объектларида, сув объектларининг сувни муҳофаза қилиш зоналари, соҳил бўйи минтақаларида ва санитария-муҳофаза зоналарида, ер ости сувлари ҳосил бўладиган ҳудудларда сувларнинг ва сув объектларининг ҳолатига таъсир этувчи қурилиш, таъмирлаш, тиклаш, ўзан тубини чуқурлаштириш ва портлатиш ишлари, фойдали қазилмаларни кавлаб олиш ва сув ўсимликларини олиш, кабеллар, қувурлар ҳамда бошқа коммуникацияларни ўтказиш, дарахтларни кесиш, бурғулаш, қишлоқ хўжалиги ишлари ва бошқа ишлар қонунчиликка мувофиқ бажарилади.
- Сувларнинг ва сув объектларининг ҳолатига таъсир этувчи ишлар ушбу Кодекс талабларига мувофиқ равишда, илмий асосланган норма ва қоидалар асосида қишлоқ ва сув хўжалиги, энергетика, балиқчилик хўжалиги, ўрмон хўжалиги, маиший ва коммунал хўжалик манфаатлари ҳисобга олинган ҳолда ўтказилади.

## Сув объектларининг сувни муҳофаза қилиш зоналари, соҳил бўйи минтақалари ва санитария-муҳофаза зоналари

- Сув объектларининг тупроқ эрозияси маҳсулотлари билан булғаниши, ифлосланиши, камайиши ва лойқа чукишининг олдини олиш ҳамда уларни бартараф этиш, шунингдек, қулай сув режимини сақлаш, фойдаланиш ва таъмирлаш-тиклаш ишларини олиб бориш учун нормал шарт-шароит яратиш мақсадида қонунчиликка мувофиқ сув объектларининг сувни муҳофаза қилиш зоналари ва соҳил бўйи минтақалари белгиланади.
- Аҳолининг ичимлик, хўжалик-маиший ва даволаш-соғломлаштириш эҳтиёжлари учун фойдаланиладиган сувларни муҳофаза қилиш мақсадида қонунчиликка мувофиқ сув объектларининг санитария-муҳофаза зоналари белгиланади.
- Сув объектларининг вазифаси, жойлашган ўрни ва техник кўрсаткичларидан келиб чиққан ҳолда сув объектларининг сувни муҳофаза қилиш зоналари, соҳил бўйи минтақалари ва санитария-муҳофаза зоналарида хўжалик фаолиятининг махсус режими белгиланади.
- Сув объектларининг сувни муҳофаза қилиш зоналари, соҳил бўйи минтақалари ва санитария-муҳофаза зоналарини муҳофаза қилиш ҳамда улардан фойдаланиш тартиби ва шартлари Ўзбекистон Республикаси Вазирлар Маҳкамаси томонидан белгиланади..

ЭЪТИБОРИНГИЗ УЧУН  
РАЊМАТ